

# Erich Lindenthaler

CD \



## **Musicians:**

Erich Lindenthaler	Vocals, E-Guitar (3,11), Ac.-Guitar (13)
Christian Lettner	Drums (2,4-10,14)
Willy Hackl	Drums (1,3,11,12,13)
Klaus Kircher	Bass (2,4-10,14)
Peter Gruber	Bass (1,3,11,12,13)
Martin Gasselsberger	Keyboards
Tom Reif	E-Guitar (2, 4-12,14), Ac.-Guitar (6,8,9,11,12), Mandolin (9)
Oliver Loy	E-Guitar (1,3), Ac.-Guitar (13)
Sepp Schwarz	Harp (5,12,13)
Wolfgang Schramml	Vocals (1,8,9)
Christian Bachner	Saxophone (10)
Andreas See	Saxophone (3)
Hermann Mayr	Trombone (3)
Gerd Rahsdorfer	Trumpet (3)

**Songs written and composed** by Erich Lindenthaler

**Recorded, mixed and mastered** by Reinhard Brunner at ATS-Records  
except: 1,8,9 mixed and mastered by Wolfgang Schramml at Sonic Flow Studio  
6 recorded by Tom Peschel at Downhill Studio


**Produced** by Erich Lindenthaler

**Cover Photos and Design** by Joachim Bergauer





- 1** Longzeit-Freindin (Blue eyed woman)
- 2** Bleib drin (Sleep in)
- 3** S.O.S
- 4** Umsonst is nua da Tod (Teddy)
- 5** I wū (I will)
- 6** Es is ned fair (I think you know)
- 7** Wia konnst ma des ontuan (Why can't you see)
- 8** Oam owa reich
- 9** Froh dass' di gibst
- 10** Nua de oane (Finger licking fine)
- 11** Die Ballade vom einsamen Hansi
- 12** Noa fia jedn (Fooled man)
- 13** Heit hoins mi
- 14** 52er

 7352 CD-1013

**ATS**  
**RECORDS**  
[www.ats-records.com](http://www.ats-records.com)

©+© 2024 ATS Records. All rights reserved.  
Unauthorized copying, reproduction, hiring, lending,  
public performance and broadcasting prohibited.













## 01 Longzeit-Freindin

I hob a Longzeit-Freindin,  
oane fia jedn Tog  
I hob a Longzeit-Freindin,  
oane fia jedn Tog  
I mog mei Longzeit-Freindin,  
woaß wos i an dera hob

Sie is a Durchschnittsfrau,  
owa oane mit an bsondern Gföh'  
Sie is a Durchschnittsfrau,  
owa oane mit an bsondern Gföh'  
Denkt ned vü noch und woaß genau,  
wos i grod am meistn wü

Jetzt kenn i oane,  
a büdschene Frau,  
tat mi glei nehma,  
owa i woaß genau  
I wü mei Longzeit-Freindin,  
de fia jedn Tog  
I wü mei Longzeit-Freindin,  
woaß wos i an dera hob

Jetzt kenn i oane,  
a büdschene Frau,  
tat mi glei nehma,  
owa i woaß genau  
I wü mei Longzeit-Freindin  
de, de i scho so long hob  
I wü mei Longzeit-Freindin,  
woaß wos i a meistn mog

I hob a Longzeit-Freindin  
oane fia jedn Tog  
I hob a Longzeit-Freindin,  
oane fia jedn Tog  
I mog mei Longzeit-Freindin,  
woaß wos i an dera hob -  
i gaub i heirat's



## 02 Bleib drin

Mecht da nua sogn, mei Freind,  
die Wöd ist kronk und hi'  
Drum geh ned fort, mei Freind,  
bleib drin

Wonnsd einsom bist hoff i,  
der Blues, der turnt di o'  
und geh ned fort, bleib drin,  
bleib dro'

Wonnsd vor die Haustia trittst  
is ois wosd sigst  
Leit mit nix Guadn im Sinn  
tatn di beliagn, malträtiern,  
drum horch auf mi, horch auf mi,

bleib drin, mei Freind,  
und tram dei Lebn daham  
Besser du bleibst, wonns is,  
alla'

Wonnsd auf die Stroßn trittst  
is ois wosd sigst  
an Haufn Automobü'  
woin di noch kriagn, niederfian,  
drum horch auf mi, horch auf mi,

bleib drin, mei Freind,  
die Wöd is kronk und hi'  
Geh södn fort, mei Freind,  
bleib drin

Mecht da nua sogn...  
bleib drin

## 03 S.O.S

I hob zwoa guade Freind owa koa  
Freindin  
Kennalerna tat i goa ned z'weng  
I bin oft fort die hoibe Nocht  
an Tonzkurs hob i a scho gmocht  
owa wonn i frog sans olle scho  
vergebn

Mei Partnerschaftsannonce woa a  
erfoiglos  
so wia a die Singlefoahrt zu zweit  
I suach a Frau ned z'dick und nett  
i geh und schau im Internet  
owa wonn i frog homs olle grod koa  
Zeit

Des wird sche longsom ärgerlich  
was i probier is fia die Fisch  
I glaub i gib boid S.O.S  
mi loßt koane an die Wäsch

A Wochn iss her do lern i oane kenna  
mocht a freindlichs Gsicht und locht  
mi o'

I zoih ihr Zech was ned geniert  
owa leider hea i nix vo ihr  
a wonns ma no verspricht sie ruaft  
mi o'

I bin do goa ned wählerisch  
owa was i tua is nua fia d'Fisch  
I glaub i gib jetzt S.O.S  
mi loßt koane an die Wäsch

Ois umsonst, i hob die Nosn voi  
Sie hom mi ignoriert oder mit mir  
gspüt  
Die hoitn mi jo nua fia bled  
zur Not gibt's a an ondern Weg  
A Freind is was vü mehr im Lebn güt

Des woa jo nua no ärgerlich  
was i to' hob woa fia die Fisch  
Do hüft a koa S.O.S  
mi loßt koane an die Wäsch



## 04 Umsonst is nua da Tod

Neilich um viere in da Fruah  
schmeiß i die Haustia hinter mir zua  
Leider woa da Schlissl drin  
Oh du Scheiße, kummt mir in' Sinn  
I ruaf'n Schlisslnotdienst o'  
ob ma' mir ned höfn ko'  
Es is Nocht und ziemlich spät  
Mir kumman gern, owa des kost' Göd

Jeder Mensch mocht amoi an Fehler  
owa umsonst is nua da Tod  
Die Rechnung kummt friara oder  
späder  
Woss wiegt, des hod's

Oft zoihst später, monchmoi glei  
Außer'm Sterbn is nix frei  
Des hob i scho oftmois gspiat  
Zletzt hob i mi mitn Datum girrt  
Hob glaubt da Fersehma' kummt heit  
Der hod scho gestern bei mir gleit  
Es woa neamd do außer mein Hund  
I zoih fia d'O'foahrt und die Oaweits-  
stund

Jeder Mensch...

I bin verheirat' seit dreißg Joach  
Oft mecht i, des war ned woah  
Die Ehe söwa woa ned schlecht  
a wonn i liaba a ondre mecht

Jeder Mensch...

Oft zoihst später, monchmoi glei,  
Außer'm Sterbn is goa nix frei

## 05 I wü

Sie tonzn durch die Nocht  
hom coole Sochn dro'  
schaun Mörder aus in eanan Gwond  
des turnt mi o'  
owa einglich iss ma wurscht  
fia mi sans olle sche  
es gibt nix auf da Wöd auf wos i a so  
steh

I bin haß auf olle Weiber  
wü mein Spaß mit eanre Leiber  
jo i wü

Owa boid scho hob i gmerkt  
leider bin i ned ihr Freind  
gengan ned fort mit mir  
und lodn mi a ned ei'  
I gib ned auf, probier wos geht  
mecht trotzdem a mein Spaß  
ma sogt do daß auf jedn Topf a Deckl  
paßt

I bin haß auf olle Weiber  
wü mein Spaß mit eanre Leiber  
jo i wü, jo i wü, jo i wü

I bin ned sche, owa a ned schiach  
hätts Herz am rechtn Fleck  
dass i a guada Kerl bin  
zöht fia'd Weiber ned  
Die nutz'n mi nua aus  
und hoit'n mi zum Noan  
wonn i an Fraun denk donn krieg i glei  
an Zorn

I hob gnua von olle Weiber  
wü mei Ruah fia olle Zeit hobn  
jo i wü, jo i wü, jo i wü

Jetzt hätt i oane kennaglernt  
i glaub die war ned schlecht  
tuat nua des wos i wü  
a soiche war ma recht  
Sie is ned sche und a ned reich  
owa oane die mi mog  
mit der kunnt i beinonderbleibn bis zu  
mein letztn Tog

Wü mei Leb'n mit ihr verbringa  
'en gonzn Tog long mit ihr singa  
jo i wü, jo i wü, jo i wü



## 06 Es is ned fair

Es is ned fair  
daß i nix mehr  
vo dir hea  
Es is ned fair  
daß i goa nix mehr  
vo dir hea  
nix vo dir hea  
Du woäßt genau  
du bist fia mi die  
oanzige Frau  
die oanzige Frau

Owa i soi versteh'  
du mödst di späda  
loßt mi steh'  
wia in an schlechtn Weda  
des woäßt genau

Wia soi des geh'  
ohne di  
steh i im Regn  
Wia soi des geh'  
ohne di  
ko i ned lebn  
ko i ned lebn

Ruaf i di o'  
mödst di späda  
I woat scho z'long  
im schlechtn Weda  
des woäßt genau, des woäßt genau

Woäßt gonz genau  
wia i di brauch  
und daß i dir vertrau

Es is ned fair  
daß i nix mehr  
vo dir hea  
Es is ned fair  
daß i nix mehr  
vo dir hea  
nix vo dir hea, nix vo dir hea  
nix vo dir hea, nix vo dir hea

## 07 Wia konnst ma des ontuan

Wia konnst du mir  
des ontuan mi so onz'liagn  
Wia konnst du mir  
sowos ontuan mi z'betriagn  
Sog ma wia fühst di söwa dabei  
mi so onz'liagn

Wonn i bedenken  
wüvü Zeit i dir schenk und  
wonn i bedenken  
wia i an dir häng  
frog i mi wia hob i des verdient  
dass i mi so kränk

Is ned es erste Moi  
dass i so auf d'Nosn foi  
dass i fia mei Guatheit zoih

Wia konnst du mir  
des ontuan mi so z'blamiern  
Wia konnst du mir  
des ontuan mi z'diffamiern  
Sog ma wia fühst die söwa dabei  
mi vor jedn z'blamiern

He Mama kumm zu mir  
füat mi goa ned schlecht mit dir  
oiwei no besser ois mit ihr

Wia konnst du mir  
des ontuan mi so onz'liagn  
Wia konnst du mir  
sowos ontuan mi z'betriagn  
Sog ma wia host di du dabei gführt  
mi so onz'liagn  
Wia host di du dabei gführt  
mi so onz'liagn



## 08 Oam owa reich

Seitdem i mit dir beinond bin  
do foit ma ois so leicht.  
A wonn i mitn Göd am Sond bin  
füh' i mi trotzdem reich

Glaub daß du der schenste Lohn bist  
A Mensch der di versteht  
der da aufhüft wonnsd am Bodn  
liegst  
is wos im Lebn zöht

Wonn du fort bist glaub i oft daß ois  
a Tram is  
Wunder kumman nua im Märchen vor  
und i glaub daß i neamd hob und  
gonz alla' bin  
owa donn bist wieder do und ois is  
woa

Mocht mi happy, loßt mi singa  
i sing den hoibn Tog  
mecht mei Lebn mit dir verbringa  
wei i di wia mi mog

Owa monchmoi glaub i daß ois nua  
a Tram is  
Wunder kumman nua im Märchen vor  
und mir tramt daß i neamd hob und  
gonz alla' bin  
owa donn woch i nebn dir auf und ois  
is woa

Seidem i mit dir beinond bin...

## 09 Froh dass' di gibt

Sooft i aufwoch und an di denk  
gfrei i mi dass du bei mir bist  
Ko' nix gebn ois dass i dir mi schenk  
wei i auf di steh  
di vermiss wonn i geh  
und i froh bin dass' di gibt

Is ned long her dass i am Bodn woa  
Du host mi zu dir auffaghoit  
I glaub afoch dass des da Lohn woa  
fia Nächt ohne Schlof  
und fia Frust jedn Tog  
dass i fost nimmer lebn woit  
Wooho...

Du mochst dass die Sonn scheint in  
mein Lebn  
Mit dir is mei Tog nimmer grau  
Mecht mit mir a Foab a in dein' gebn  
wei i auf di steh  
di vermiss wonn i geh  
und in' Himme mit dir schau

Und wonn amoi a Woikn am Himme  
steht  
donn woat i dass' vo söwa wieder  
vergeht

Und wonn amoi a Woikn am Himme  
steht  
donn woat i dass' vo söwa geht

Sooft i aufwoch...  
wei i sonst nix hob  
di wia mi söwa mog  
und i froh bin dass' di gibt  
wei i auf di steh  
di vermiss wonn i geh  
und i froh bin dass' di gibt  
Wooho...  
dass' di fia mi gibt



## 10 Nua de oane

Ned nua dass guat singa ko'  
sie schaut a Mördar aus  
Do schleckst da olle Finga o'  
sie is a hoaße Braut  
und wü oiwei nua des oane  
und a no an Haufn Göd  
Owa a ondre wü i koane  
a wonn i wegn ihr sauf  
I wü nua de oane

Tuat ned vü und oaweit nix  
schloft 'n hoibn Tog  
Kochn soi i a fia sie  
obwoi i goa ned mog  
Owa sonst wü's nua des oane  
des und dass i fia sie zoih  
Owa a ondre wü i koane  
a wonn i ned vü schlof  
I wü nua de oane

Leider bin in nimmer jung  
und des seit guad zwanzg Joa  
a wonn des ned so oid is  
wia's friara amoi woa  
Leider zöht des oane mehr

wos i im Spiagl siag  
und immer öfter frog i mi  
wia i a soiche krieg

Billig iss jo ned die Frau  
I zoih in oana Dur  
Owa schaut zum Fingerschleckn aus  
mit ihre hochn Schuah  
Jo sie woäß mit wos' mi hoaß mocht,  
woäß genau wos i gern tua  
A ondre wü i koane  
a wonn i zoihn muaß  
I wü nua de oane

Leider bin i nimmer jung  
und des ned erst seit heit  
a wonn i mi ned so oid fühl'  
wia in Wirklichkeit  
Leider zöht...

Ned nua dass...  
Einglich wa's besser i hätt koane  
a wonn i auf sie steh  
I bin jo a gern alloane

## 11 Die Ballade vom einsamen Hansi

'En gonzn Tog long sitz i bei mir  
daham,  
ohne Freind und Freindin, gonz alla',  
nua ana, der hod an Geist fia an  
I geh in' Keller owe, hoi a Kistn Bier,  
a bißl an Schnops dazua, owa heit  
sog i zu mir,  
owa Hansi, des is do ned gscheit vo  
dir

Geh liaba aussì zu die Leit und frog,  
is denn do wirklich neamd, der wos  
di mog,  
der wos di nua a bißl mog

Kana siagt mi, kana horcht mi o',  
dabei hob i do wirklich kan Mensch  
wos to',  
nua ana, der hod mi gern und schaut  
mi o'  
I nimm ma an Spiagl, donn bin i –  
samma zu zweit,  
jetzt iss vorbei mit der Einsamkeit,  
owa Hansi, jetzt bist boid mittn unter  
d'Leit

Jetzt geh i no aussì, aussì voa die Tir,  
leit amoi und gfrei mi, wei heit kummt  
wer zu mir,  
heit geht's jo richtig zua bei mir

Lustig woar's bis in die Fruah,  
owa jetzt loßts mi wieder, jetzt moch  
i zua,  
wei amoi wü jeder Mensch sei Ruah



## 12 Noa fia jedn

I woa a Noa dass i wos o'fong mit da  
Frau vo mein bestn Freind,  
a Rauferei, a brochne Hond und  
Gfängnis obndrei  
Jetzt bin i wieder draußn, owa i füh'  
mi wia drin,  
a jeder schneidt mi, so a Lebn hot kan  
Sinn

I bin a Noa fia jedn, an Noan nennans mi,  
a Brenna in mein Herz is ois wos  
bleibt fia mi,  
i gspia a Brenna in mein Herz - a  
grausigs Gföh'

Jedn Tog und jede Nocht trink i mein  
Whisky pur,  
a wonn's mi a beruhigt, i schwöa des  
Zeig des setzt da zua  
I geh ned auss, bleib daham, wei  
kana mit mir redt,  
mei Gwissn quöd mi, owa ändern ko'  
i's ned

I bin a Noa...

I sing a oide Melodie, des Whiskytrin-  
ker-Liad,  
in mein Herz und in mein Hirn füh' i mi

kronk und miad

I sitz in meiner Hittn ohne Freind alla'  
mit mir,  
die Floschn in da Mittn dass i mi  
orientier,  
hoibla' scho wieder und i hoibtot vo  
da Whiskysauferei  
Owa heit sog i zu mir, he loß des  
Saufn sei'

A Noa bin i...

I sing...

I woa a Noa dass i wos o'fong mit da  
Frau vo an guadn Freind,  
a Rauferei, a brochne Hond und  
Gfängnis obndrei  
Owa fia dein Fehler host jo zoiht, gib  
nix auf wos d'Leit sogn,  
du bist a freier Mensch und fong a  
neis Lebn o'

I woa a Noa fia jedn, an Noan homm's  
mi gnennt,  
des Brenna in mein Herz hod hoff i  
boid a End,  
des Brenna in mein Herz - hod ois a End

## 13 Heit hoins mi

Heit is ka Tog wia jeder ondare  
in der Fruah scho hob i gspiat  
wos i heit tua tua i zum letztn Moi  
sowos is ma no nie passiert  
Nua amoi woa's a so  
owa do woa's a Tram  
owa heit iss woa  
i waß heit muaß i ham

Heit hoins mi, heit hoins mi o  
I glaub jetzt sans boid do

Auf amoi foin ma so vü Sochn ei'  
wos friara amoi woa  
an wos i mi goa ned erinnern ko'  
und überhaupt siag i so kloa  
Ois is heit so hö'  
und ois so wundersche'  
i mog ned fort  
owa i waß heit muaß i geh'

Heit hoins mi, heit hoins mi o  
I glaub jetzt sans scho do

Heit is ka Tog...  
owa heit kumm i ned aus  
i waß heit bin i dro'

Jetzt hoins mi, i gspia a Gwoit  
I glaub jetzt homs mi ghoit

CD\